



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Medvlla Theologiæ Moralis**

**Busenbaum, Hermann**

**Monasterii Westphaliæ**

Dub. II. Quæ sint species Luxuria consummatæ naturales?

**urn:nbn:de:hbz:466:1-40957**

*Quae sint species luxuria & consummata naturales?*

Resp. Eæ dicuntur, in quibus sit commixtio eō modo, quo natura instituit, v.g. quando servatur sexus diversus, species eadem, vas & modus naturalis, &c ut vide in principio hujus cap. Unde resolvitur, tales esse has sequentes, quæ idē in confessione sunt exprimendæ.

I. Est Fornicatio, quæ est concubitus soluti cū soluta, (hoc est, quæ sit libera à voto, matrimonio, religione) ex mutuo consensu. Ad hanc reducitur. i. Concubinatus, qui est fornicatio continuata. Unde concubinarius (sicut & meretrix) ordinariè non debet absolvī, nisi dimissa concubina, aut muliere suspecta, cuius retentio scandalum daret, licet cum ea non peccaret, Sanch. l. 1. mor. ca. 8. Nav. c. 3. Fill. tr. 30. c. 2. n. 56. 2. Congrefsus cum alterius sponsa, quæ est fornicatio intra eandem speciem gravior, & in confessione aperienda, saltem respectu sponsæ, ut docet Rodriq. tom. 1. cap. 109. Sanch. de mat. tom. 2. l. 1. d. 2. num. 6. Eagund. t. 2. l. 4. c. 3. Fill. s. 2. tr. 30. c. 2. n. 53. contra Covar. Vivaldum. Ledes. Azor. quorum sententiam (etiam respectu sponsæ) probabilem, & in praxi tutam, censet Dian. p. 1. tr. 7. R. 5.

II. Stuprum, hoc est defloratio virginis, ipsa invitata; quia si consentiat, erit tantum fornicatio simplex, nec circumstantia in confessione aperienda, ut probat Less. Sanch. l. 17. d. 12. contra Nav. Azor. & alios.

III. Raptus, cum scilicet persona aliqua, (sive masculus, sive foemina, sive nupra, sive innupta) libidinis causa abducitur, illata vi, sive abducta, sive iis, quorum potestati subest. Si quae tamen sponte discedat cum Amatio, insciis parentibus, non exit propriè raptus, sed fuga non addens malitiam specie distinctam fornicationi. *Lugo. d. 16. n. 237.* *Fill. num. 110. v Bonac.* Idem dicit *Dian. p. 1. t. 7. R. 37. ex Leff l. 2. cap. 10. dub. 4. Sanch. de matr. 10. 2. 1. 7. d. 4. n. 5. &c.*

IV. Adulterium, cum scilicet uterque, vel alteruter coeuntum, est conjunctus matrimonio, etiamsi adulterantis coniux sit contentus: esto enim tunc illi non fiat injuria, sit tamen ipsi statui, Sacramento, & huic præcepto. Quod foemina adulterans sit conjugata, gravius habetur, quam si vir, propter incommoda graviora, v.g. damnum veri hæredis, prolis incertitudinem, &c. Si vero uterq; sit conjugatus, adhuc gravius est: quia sunt duæ injuriæ in utriusq; conjugem, in confessione exprimenda, *Fill. a. 29. c. 4. n. 85. &c. 89.*

V. Incestus, hoc est congressus cum consanguinea, vel affine, usq; ad quartum gradum: èo gravius peccatum, quo gradus est propinquior: quem proinde in confessione exprimere, saltem securius est, ut habet *Nau. c. 6. C. Lugo d. 16. n. 312.* Sicut etiam multo gravior est incestus cum consanguinea, quam cum affine in eodem gradu, v.g. cum matre, quam cum novacea; cum sorore propria, quam cum sorore uxor. Et rursus, gravior est cum affine, quam cum cognato spirituali vel legali. Addi vero debet, si in primo gradu fuerit, utrum

cum

cum matre, an cum filia, an sorore, C. Lugo l.c & Escob. de actibus hum. nis E. 2.c. 6. ubi ex Hurta. d. 9. de pœn. dif. 4. probabile dicit, incestum in eodē gradu & linea, ejusdem esse speciei, (eō tamen graviorem, quo gradus est vicinior stipiti) & satis esse dicere, habui rem cum consanguinea in linea recta. Ad hanc speciem revocatur tanquam analoga, fornicatio cum filia confessionis, cum propriè non sit cognatio spiritualis, quam tamen circumstantiam in confessione exprimendam esse, probat Sanch. 7 de matr. d. 55. Cón. d. 32. Fagund. & cateri probabiliter contra Sa. V. Confessio. & Diana. vide C. Lugo n. 355.

VI. Sacilegium, hoc est violatio rei sacræ per actum venereum. Res autem sacræ, quæ sic violantur sunt locus, & persona. Unde sacilegium est 1. omnis actus luxuriosus exterior, (qualis etiam est v.g. pollutio, & probabiliter etiam tactus impudici, ut v. C. Lugo n. 464,) in loco sacro, hoc est templo, vel cœmeterio: nisi tamen fiat à conjugibus, ex necessitate, v.g. ad vitandam incontinentiam. 2. Omnis actus luxuriosus tam interior, quam exterior in persona, vel cu. persona voto castitatis consecrata: circa quem t. non probabile est, non opus esse exprimere, utrum fuerit votum solenne, an simplex. Sicuti neque, si duplici titulo sit sacrata, v.g. quia est Sacerdos & Religiosus: quia moraliter est una numero malitia. Sanch. de matr. l. 7. d. 27. n. 27. Henrig. & cateri, quos citat Diana, & sequitur p. 1.t. 7. R. 3. vide C. Lugo d. 16. de pœn. f. 4. Bon. q. 4. p. 17. Esc. E. 8.